



YEREBA A AA NYCC

Bee lu egbaloo zii ĩemaba
—Watson Goodman

Yoro — Naa lu e'oo

YEREBAH A AA NYOO

“YEREBAH A AA NYOO” lu gbabɔŋɛɛ keekee kēdɔ bu kpa kaɛ tɛmaloo keekee Ekobee-ue a aa kerakera kēdɔ bu Baibol. M yira kɔ kodoge kpa kaɛ alee-eera na Baibol alɛ loo.

Bee-ue Bari lu “aa nyoo” sa alu kaana yereba nɛ pya benie a ɛrɛ lɛɛ ba loo taɛ a kii loo kaanadogo. Sɔ zii nɛɛ kii ya baloo ye pɔɔɔ, kue Nee-a-i-ɛrɛ Jisɔs Kraist kɔ a tɔɔe ye niɛ, sa yira aa bu yube ye nie nyoo Nee-a-i-ɛrɛ Jisɔs Kraist doodoo Nɛɛkpɔã, Nee-a-i-ɛrɛ esiã loo ye ye nɛ sa su ye ɛɛbu le efɛelo nɛ benie nɛɛ a yira. Nu ama bee mɛ dooa lo bu dua 1937, sa m sii ɔbɛ dua nyɛɲia kumalooloozii loo Nɛɛ-a-a-ɛrɛ ama aã lo dee. M bara a kɔ o su loo a ye nɛ doodoo o Nɛɛkpɔã le Nee-a-a-ɛrɛ ANYAWO, lo ale o sii bee doo wo.

—Watson Goodman (1920-2002)

Scripture text from Kana (Ogoni) Bible, ©1968 by United Bible Societies, Africa Regional Centre, Nairobi, Kenya. Used by permission.

Rom 5:8

Mε Bari ga i tɔgε ye wereloo siā,
nyɔnɛbee sō i bee lege pya pɔɔ,
Kraist bee i u bee.

Jɔn 13:1

Mε lεε doonu Tεē-yee gae ina, kē
Jisus suā kɔmε ye hour e'aa bu lo
nyɔuwe ama elua lo epii Tε, kē a
ewereloo pya alε a le bu nyɔuwe
doo, a bee wa wereloo mmε kuma.

Jɔn 15:13

Lɔgɔ nεε a εrε wereloo a ee lo ba
ama naale, kɔmε nεε su ye dum
sere kē nyɔɔ pya ye gbo.

Mumuuna 1:5

Le lo a aa bah Jisus Kraist, nεε
ekeebee a bɔloo eture niε loo, lo

tuatua a bee mεā aāloo pya a bee
u, le lo nεε a bεε lo pya mεnε
nyɔuwe. Lo nεε a i wereloo sa bee i
yɔbara lεε bu dēdē i pɔɔ tɛmaloo
ye mii.

Jeremia 31:3

Jehova bee ye sira loo aā ebini
kē. M bee i wereloo tɛmaloo were-
loo a tɔɔ ina deedee; nyɔbee wo m
bee doo kɔ na kaana yira a tɔɔ i
loo.

Jɔn 3:16

Nyɔnɛbee Bari bee wereloo
nyɔuwe doo wo, kɔ a bee su aba ye
Nwī-nεεdam a bee εrε nε, lokwa
εrεgeba nεε a ye yira nε naale epe
mε a e'εrε dum a naa tah.

1 Timoti 3:16

E a lunage eko siã ko a lu gbene nu goã enwadeẽ Bari: Nee a bee sira ee'dee bu namloo, ba buũ ye nua nee le dogo bu edoõ, lo edoo ko pya angel a mue ye, lo a bee lu ezue ne pya doona buẽ, lo a bee ye yira loo bu nyõuwe, lo ba bee ye su kuma nyõõ bu nyenja.

Matiu 1:22, 23

Me dẽdẽ pya lo nu ama bee su do lo e'mme ue Nee-a-i-ere bee ko temaloo nee zue ue, Ep, lo nwĩ emuã a sii si nee esu bu e a emaẽ nwĩ-neẽdam, e ba ekue ye bee Emmanuel (lo a kura, Bari le i loo).

Jisus ko ye ne, Aari ebini sõ doowo ama m bee i yo tãõ, e kere-

wo oo me suãloo, a Filip ni? Nee a emona me emona Te a; e o tẽẽ doodoo wa ko, Toge i lo Te a? Oo yira kome mda le bu Te, e Te le bu mda ni? —Jon 14:9, 10a

Bu bõatẽ Bee-ue a bee le, e Bee-ue a bee le loo Bari, e Bee-ue a bee le Bari. . . . E Bee-ue a bee lu namloo sa i tãõ yee, e i bee mue ye ka, ka a doodoo lo aba Nwĩ-neẽdam a aaloo Te, lo ewonu le kaka mma loo. —Jon 1:1 le 14

Me olo, Aa Betlehem Efrata, lo a le nwĩ gbagbara yee dẽdẽ gã Juda, aãloo olo ga le sire me ne zii nee a elu nee a ebẽe Israel, nee ye bõatẽ le aari kere, aari gbo nama dee. —Maika 5:2

Ɛregeba nƐƐ a kɔ siã kɔ Jisus na
Nwī-nƐƐdam Bari, Bari tɔɔ ye bu, e
alɛ bu Bari. —1 Jɔn 4:15

Nyɔnɛbee bu ye na dēdē mma
bu Bari etɔɔ bu ekpaloo.
—Kolosi 2:9

Nyɔnɛbee a elua emaē zii nwī i
nɛ, zii nwī-nƐƐdam elua enɛ i; e
bɛbɛ ga le le ye nyɔɔ gaɗana, e ye
bee a ekura na, NƐƐ ka zuura-batɔ,
Bari A-ɛɛ-ekpo: Tɛ a lu tɛ ina
deedee, NƐƐ-bee efɛeloo.
—Aisaia 9:6

E angel a kɔ ye nɛ. Kaɛ Edɔɔ elu
a nyɔɔ, e ekpo NƐƐ-a-eenyɔɔ-dēdē
nu ekue a; nyɔbee wo nwī a emɛã
a, elu ekue ye kaɛ, Nwī-nƐƐdam
Bari. —Luk 1:35

Sɔ a ga kɔ ue, ɛp, zii ɛ tɔdee kue
wa, e ɛp, zii muɛ aa bu tɔdee a sa
kɔ, Alɛ ama na mdaa wereloo Nwī-
nƐƐdam a, bu mɛ ɛ ye loo, gbanaa
ye tɔ. —Matiu 17:5

E ɛp, zii muɛ aa bunyɔɔ sa kɔ,
Alɛ ama na mdaa nwī-nƐƐdam a,
bu mɛ ɛ ye loo. —Matiu 3:17

Mda mdaa loo mm bee ye
suãloo; mɛ nƐƐ a bee mɛ yere kɔ m
su maa daã egara maa bee mɛ kɔ
nɛ, Ɛregeba nƐƐ o muɛ Edɔɔ a lu sa
dɛa nyɔɔ, alɛ na a esu Kaɛ Edɔɔ su
daã egara maa a. E m emɔna sa
nyiinage ekeebee kɔmɛ alɛ ama na
Nwī-nƐƐdam Bari. —Jɔn 1:33, 34

Jon 8:23

A ko wa ne, Bɔɔlo aa kerekē,
mda aa mm nyɔɔ; bɔɔlo aa bu
nyɔuwe ama, mda mm aa bu lo
nyɔuwe ama.

Jon 11:25

Jisus ko ye ne. Mda na aakē bu
luh le dum; nɛɛ a mɛ yira ne, kere a
u, a esikē le dum.

Jon 13:13

Bui kue mɛ Nɛɛ-tɔgɛ-nu le Nɛɛ-a-
i-ɛɛ; e bui ko leere, nyɔbee kē m le
doolo.

Jon 6:35

Jisus ko wa ne, Mda na fituru
dum; nɛɛ a mɛ lu loo, loo ye naale
elɛɛ, e nɛɛ a mɛ yira ne, oo ye naale
ekaga logɔ sɔ.

Jon 9:5

Kuma sɔ m le bu nyɔuwe mda
na ɛɛ'dee nyɔuwe a.

Jon 8:58

Jisus ko wa ne, Kaka, kaka, m
ko i ne, Lɛɛ Abraham gae le, mda
bee le.

Jon 4:25, 26

Wa a ko ye ne, M suā kɔmɛ
Mesaia ga lu (lo a kura Kraist); sɔ
alɛ elu, a ekɔ dēdēɛ nu i siā ne.
Jisus ko ye ne, Mda, lo a a ko ue
ne, na ɛɛ a.

Jon 10:7

Nyɔwo Jisus sinagekē wa ko ne,
Kaka, kaka, m ko i ne, mda na
nudee naana pee a.

Matiu 14:19-21

Lo sō a nē lok gbēnēkpo nēē a kō ba enētē nyō ebīē; sō a esua o'oo bee fituru le bae eyuu bari, a ep bunyō, sa nē leeleē, a bū sa nē fituru a pya awēē ye nyōnē dume, e pya awēē ye nyōnē dume bee su nē gbēnēkpo nēē a. E dēdēē aba bee de sa a mma wa. E ba lap nwī ekpo ekpo a bee siga, e a mma bu lop le bae kpō. E pya a bee de luge o'oo sō bae boo le lop tup nēēdam, e lo gbobia le gbomioṅo naa wa le buā.

Luk 5:5, 6

E Saimon ture sa kō, Nee-a-i-ere i epiaga loo tam aari uunē sa naa lu e'aa logō nu! Mē nyōo o muē ue m terege gbō. E sō ba edoora lo ba

ama, ba aa gbēnēkpo bari; sa wa gbō bōatē ebaara.

Matiu 20:30 le 34

E ep, bae nēē zima dēē le enētē barakpaē dee, sō ba edaā kōmē Jisus ga tēē, ba wiikpā, kō, Nēē-a-i-ere, to i esaē, Nwī Devid! ... E Jisus, bu esaē benie, daa wa bah dēē, e abasō ba muē nu sa ye nyōnē.

Matiu 21:19

E kē a muē te-fig a le loo dee a si ye loo, a naa muē logō nu nyōo mē aba epania. E a kō ye nē, Doo-lo logō bee naa sinakē a aa nyōo mme deedeē. E te-fig a bee kaga abasō a.

6 JISOS KRAIST NA NEE-A-DEM LE NEE-A-I-ERE

Hibru 1:2

Bari . . . me gbo dee ama bee i ko ue ne temaloo Nwĩ-nēdam, nē a bee tubebalo ko a esu dēdē nu, nē a bee temanage loo doo dēdē nyuwe.

Rom 14:9

Nyɔɔ lo ba ama na Kraist bee u sa sikē le dum a, lokwa a lu Nē-a-ere lo pya a e'ua le pya a le dum.

Jon 1:3

Dēdē nu bee lu edoo ye tema bah, e logɔ nu naa bee lu edoo e Ale naale.

Kolosi 1:16

Nyɔɔ bu ye na a bee lu edem dēdē nu a le bunyɔ le kenekē, pya nu a lu emue le pya nu a naa

lu emue, kere kasi mene ale etɔanu, ale bēbē, ale ekpo—dēdē nu a bee lu edem ye tema bah sa ba lenage ye nē.

Nyɔɔ bee wo doolo dēdē pya to Israel a suā leere ko Bari edoora ye nua Nē-a-i-ere le Kraist, lo Jisus lo bui bee ka loo te.

—Doonu 2:36

Bari, lo a bee i kuma nyima kumaloolo ye Nwĩ-nēdam Jisus Kraist Nē-a-i-ere na a boloo eture nie loo a.

—1 Korint 1:9

Sa doolo dēdē nē muē kē a lu edoo sa nu a bee gɔā a sira eeloo a bee lu egɔ aari kere bu Bari, nē a bee dem dēdē nu.

—Efesɔs 3:9

Rom 14:10

Olo, e na o begee o wuga loo a?
Ale, olo, e na o gbe o wuga loo a?
Nyonebee dēdē ii eyira ke sī kasi
biae Bari.

Matiu 25:32

Me kē sī ye na a elu ebonyeloo
dēdē edonyoo a, e a epoo wa lē
loo ziī, dookē nee awee ep naana
pee wee poo naana pee lē loo kune
pee doo.

Jon 5:22

Nyonebee Te naa biae ue logo
nee, me a enea dēdē biae Nwī-
needam.

Doonu 10:42

E a bee i ne lok lo ezue ne pya
nee, le lo eyira ekeebee agere kome

a lue nee Bari bee sere lo elu nee
biae loo pya a le dum le lo pya a
e'ua.

Luk 3:11

E a ture wa ne, sa ko, Nee a ere
bae beloo, doolo a poo ne lo a naa
ere; e nee a ere nuede, a doonage
doo wo.

2 Timoti 4:1

M gaa ko agere ne bu yii kē sī
Bari le Kraist Jisus, nee a biae ue
pya a le dum le pya a e'ua, tema-
loo susu loo ye toge le ye buēmenē.

Rom 2:16

Bu dee sō Bari ebiae nu goā a le
loo nee temaloo Jisus Kraist,
dookē mdaa le yere ue le doo.

Jon 10:9

Mda na nudee a; lo a le eregeba
nee tema me loo yii, a elu ekpaã ye,
e a eyii bu sa aa, sa gbĩ nuede muẽ.

Jon 14:6

Jisus ko ye ne, Mda na dee a, le
kaka ue, le dum; logo nee naale elu
loo Te a, lo a naal tema me loo.

Jon 8:24

Nyowo m ko i ne kome bui ga le
u bu dedee bui poro, nyonebee
keereko bui yira kome mda na ee a,
bui ga le u bu bui poro.

Hibru 7:25

Nyobee wo a dap kpaã mme
kuma dedee pya a elu ina loo Bari

ye temaloo, kuma so a too dum
dedee so lo eyere kara wa nyoo.

Doonu 4:12

E kpaã naale le na bu logo doona
nee, nyonebee logo doona bee a le
kee bunyoo a lu ene yee pya nee lo i
ere e'ere kpaã naa le na.

1 Tesalonaika 5:9

Nyonebee Bari naa bee i
tubebalo mme loo san, me lo esu
kpaã temaloo Nee-a-i-ere Jisus
Kraist.

Hibru 5:9

So a elua edoo ye ko a mma, a
gae le ne dedee pya a ye gbaeto
loo, nee a enua kpaã a naa tah.

Luk 19:10

Nyɔnɛbee Nwī nɛɛ bee lu wee gbī le kpɔkpɔā pya a bee pe.

1 Korint 1:30

Mɛ aāloo alɛ na bui ɛrɛ dum bu Kraist Jisus, nɛɛ Bari bee doo kɔ a lu ilii suānu, le le dogo, le sere nua kaɛ, le a'agara.

Taitɔs 2:14

Nɛɛ a bee su ye loo nɛ nyɔɔ ili, lokwa a i kpɔā lɛɛ bu dɛdɛɛ gbee lok, sa log nɛ ye loo pya a gae su doodoo pya alɛ, pya wa benie bɛamiā bu le tam.

Kɔlɔsi 1:12-14

Lo edoo yaa Tɛ, Nɛɛ a bee doo kɔ i bɔloo e'ɛrɛ epoo bu kɛ tɔɔ pya

kaɛ bu ɛɛ'dee. Nɛɛ a bee i zuura lɛɛ bu ekpo zii, sa i ture mme bu buɛ-mɛnɛ ye wereloo Nwī-nɛɛdam, bu nɛɛ i ɛrɛ i agara loo aaloo i pɔɔɔ.

Efɛsɔs 5:2

Sa kiā bu wereloo dookɛ Kraist bee i nwenɛge loo doo, sa bee su ye loo i nɛ nyɔɔ ilii, ekpe nu lo wara zɔɔ nɛ Bari.

Mumuuna 5:9

E ba uɛ aā yɔɔ, kɔ, O bɔloo esu ui kpa a sa yaari ye nu a'aɛmɛ, nyɔnɛbee a ebee lu efɛ a, e temaloo o mii o bee iyae nɛ Bari aā dɛdɛɛ eku le edɛm, le dɛdɛɛ pya nɛɛ, le edo nyɔuwe.

Rom 5:9

Lo a ee wo, kē a lu ekue i pya kaana doo nyɔɔ ye mii, a elu ekpɔā i aā bu saŋ ye temaloo.

Efesos 1:7

Bu ye na i ere agara tema bu ye mii, lo lɛɛbalo ilii doo gbee, dookē ye ewonu kuikpo doo.

1 Jɔn 1:7

Mɛ lo a le i kiā bu ɛɛ'dee dookē Ale le bu ɛɛ'dee doo, i ere kumaloolo enia ii, sa mii Jisus ye Nwī-nɛɛdam log i ɔŋana lɛɛ bu dēdēɛ poro.

1 Pita 1:18, 19

Bui suā kɔ a bee lu e'agara i, naale temaloo nu a ere egbe

doodoo silver ale gold, aaloo yoro dogo dum a bee lu e'ere aā ba pya bui nama tɛ, mɛ temaloo mii a si gbene du lo Kraist, dooodoo lo Nwī-naana-pee, beebɛɛ ale kpu naale loo.

Hibru 9:14

Ele dooodoo wa lo mii Kraist, lo a temaloo Edɔɔ a naa ta su ye loo nɛ Bari, beebɛɛ naale loo, log bui ekɛere benie lɛɛ loo ua tam lo esi tam kaɛ nɛ Bari a le dum?

Rom 5:11

Nae aba wo mɛ i kaaganage nyɔɔ lo Bari temaloo Nɛɛ-a-i-ere Jisus Kraist nɛɛ i bee ere i gbaa loo ziī tema ba.

Efesus 2:8, 9

Nyonebee temaloo ewonu na a bee lu ekpoã i tema bu yira; e a naale bɔɔlo na a doo lo ba ama, lu doõnu Bari, naale temaloo esia tam, keereko eregeba nee a ena.

Rom 5:1

Dookẽ a elua ekue i pya kaana dogo nyɔɔ i yira doo, dooraa ili yɔ Bari ere efeloo akiiloo Bari temaloo Nee-a-i-ere Jisus Kraist.

Galetia 5:6

Nyonebee bu Kraist Jisus naale kooa pii ale oo kooa pii na a ere ekpo a, me yira a si tam tema bu wereloo.

1 Jon 5:4

Nyonebee eregeba nu a meã aaloo Bari bee eeba nyɔuwe; e ale ama na eeba a e'eraba nyɔuwe lo a le ilii yira.

Jon 20:31

Me a bee lu e'em pya lo ba ama lokwa bui yira ko Jisus na Kraist a, Nwĩ-needam Bari, e lokwa temaloo yira bui ere dum bu ye bee.

Jon 6:28, 29

Nyɔbee wo ba ko ye ne, E na i ere edoo, lo esi tam Bari a? Jisus ture sa wa ko ne, Tam Bari na ama, ko bui yira bu lo nee ale bee yere.

Le-yɔɔ 103:11

Nyɔnɛbee dookē bunyɔɔ kii nyɔɔ eenyɔɔ kenekē doo, aba sī dee ama na ye wereloo a naa wee nyaa kuɪnage nɛ pya a ye ɛɛ bɔɔ loo doo a.

Le-yɔɔ 108:4

Nyɔnɛbee o wereloo a naa wee nyaa lu gbɛnɛ eenyɔɔ dēdē bunyɔɔ, o kaana yira ina loo dēdē biira-bunyɔɔ.

Maika 7:18

Mɛɛ na a lu Bari doodoo olo a, lo a lɛɛbaloo tɛɛ-ekwɔ sa tɛɛ yee gbee lok lo pya a siga lo pya a ɛɛ ni? A naale aara ye san mme deedee nyɔnɛbee a ɛɛ ɛɛbu bu wereloo a naa nyaa.

Yɔɔ-to 3:22, 23

Wereloo Jehova lo a naa wee nyaa naa ɔp logɔ sɔ, dēdē ye toesaē naa ɛɛ kuma; ba lu aā dēdē lɔɔɛ; o ture niɛ loo lu gbɛnɛ.

Taitɔs 3:5

A bee i kpɔā, a naale nyɔɔ nu i bee doo bu ilii kaana dogo, mɛ tɛmaloo aba ye esaē, tɛmaloo lologa esikē i maē le sisikē i nua aā bu Kaɛ-Edɔɔ.

Le-yɔɔ 103:17

Mɛ wereloo a naa wee nyaa lo Jehova le aā deedee mme deedee loo pya a ye ɛɛ bɔɔ loo, le ye kaana dogo aāloo gbomioŋɔ mme loo wa mioŋɔ.

Matiu 11:28

Bui luaa mɛ loo, dēdēē pya a piaga loo tam le pya a toora donia to, e m nɛ i efɛelootɔɔ.

Aisaia 55:1

Gbaētɔ, ɛregeba nɛɛ maa taɛ, luaa loo maa; e nɛɛ a naa ɛɛ kpugi; luaa, yaɛ sa de! Luaa, yaɛ mi-vine le ma-nam loo kpugi naale loo, e muɛ du naa lenage loo.

Jɔn 7:37

Nyɔɔ kpedumɛ dee, lo gbɛnɛ dee loo doonu Jisus yira sa wiikpā, kɔ, Lo a le oo ɛregeba nɛɛ kaga, doolo a mɛ lu loo wee ɔ.

Mumuuna 22:17

E Edɔɔ le Wa-a-iyā-dam kɔ, Lu. E doolo nɛɛ a dā a kɔ, Lu. E doolo

nɛɛ oo ye kaga a lu, doolo nɛɛ a gbī a su maa dum yɔɔ.

Bui lua anyawo, doora i gbaa yii bira, Jehova kɔ: kere dēdēē bui pɔɔ lu miimii, ba elu ɛɛ doodoo snow; kere ba lu miimii doodoo doh, ba elu ɛɛ, doodoo zia-naana-pee.

—Aisaia 1:18

E a bee yere ye zoro sɔ elek-ke nuede uunɛ lo ekɔ nɛ dēdēē pya a bee lu ekue, Luaa, nyɔnɛbee a elua ekwa dēdēē nu lere. —Luk 14:17

Lo sɔ Jehova bee kɔ nɛ Noa, Yii bu fa a, olo le dēdēē pya o tɔ, nyɔnɛbee m emɔna kɔ o lu nɛɛ kaana dogo mɛ kē sī bu sɔ eku ama.

—Jenesis 7:1

Bu lo ba ama na miŋŋo Bari bee lu emue leere, le miŋŋo pɔɔ edɔɔ: eregeba nĒe a naa doo kaana dogo naa aaloo Bari; ale nĒe a naa wereloo ye wuga. —1 Jɔn 3:10

Nyɔnebee pya Edɔɔ Bari tɔge dee na miŋŋo Bari a. Nyɔnebee buii bee ere edɔɔ zoro lokwa bui sikē dɔ bu bɔɔ; taāwo bui bee ere edɔɔ a i nua miŋŋo Bari, lo a doo kɔ i wiikpā, Abba, Tɛ.

—Rom 8:14, 15

Lokwa logɔ beebē le kianana naa i le lo, gbomiŋŋo Bari logɔ kpu naale loo tae yĒe bēga-bēga le lĒe bee kĒē nyɔuwe lo bui mɔ doodoo nu enĒe ē'dee nyɔuwe.

—Filipai 2:15

Nyɔbee wo bɔɔlo aaraa wa tae yĒe, sa tɔɔ kee wa aa yĒe, NĒe-a-i-ere kɔ doo wo, e bui aa daabaloo logɔ nu a naa ēē, e mda esu i bɔɔlo leere, e mda elu Tɛ i nĒe, e bɔɔlo elu pya na miŋŋo-nĒe-dam le miŋŋo-nĒewa, kĒ NĒe-a-i-ere a dap doo dēdēē nu kɔ doolo.

—2 Kɔrint 6:17, 18

Mē lo dēdēē pya a ye su, na a nĒe koi kɔ ba lu miŋŋo Bari, lo pya a yira loo ye bee.

—Jɔn 1:12

Bu lo nu bui bee kiā bu zīi sɔ, sa bee nyɔne dee nyɔuwe ama, doo-doo nĒe a bĒe lo ekpo lo sī kara, lo edɔɔ a si tam anyawo bu miŋŋo a naa yira.

—Efesɔs 2:2

Rom 13:13, 14

Dooraa i kiā bu ɛ'dee dookē a bɔloo doo, naale bu laba-laba le bume miī, naale bu elo le kue wa, naale bu kana le wiibu. Mɛ bui yaaraa Nɛɛ-a-i-ɛɛ Jisus Kraist, e bui aa gbī logɔ nu nɛ namloo, lo enɛ ye nu a ye taɛ.

Galetia 5:19-21

Mɛ dɛdɛɛ tam namloo sira bu ɛ'dee; lo a le, kue wa, saana dogo, gbeabee, taɲabah yɔ, do nam, baaloo ziī, kana kana, wiibu, ebeā miā benie, epoo epoo, popooa, ɛɛ wa loo, ma-niē nɛɛ, ɔ miī tɛā dɛɛ, yep le nu a le doo wo ama. M

zuura i ba tɔ, dookē m bee i zuura ba tɔ doo tua sɔ, kɔ pya a doo nu a le doo wo ama naale e'ɛɛ buɛ-mɛnɛ Bari.

Aisaia 5:11

Ekienu a le nɛ pya a aakē bagara lɔɔɛ, lokwa ba teera nyɔnɛ eaga miī, pya ba tɔɔ yeere bu edɛɛ mme sɔ miī-vine edoo kɔ loo wa a bea miā!

Kam 23:31, 32

O a ɛp miī-vine sɔ a lu miimii dɛɛ, sɔ a sere ye dɛɛ bu kɔp sa ɔgara loo kii kē. Ye kpedume a ga le dam doodoo yɔɔ, sa taā doodoo bɔm.

Matiu 22:37, 38

A kɔ ye nɛ, Wereloo Nɛɛ-a-i-ɛɛ o Bari bu dɛdɛɛ o benie, le dɛdɛɛ o piogi, le dɛdɛɛ o ekɛɛɛ. Alɛ ama na lo gbɛɛ le lo tuatua etɔ̃anu a.

Maak 10:17-22

E sɔ a ga kii nyɔ̃ ye dee, ziɪ nɛ teera ye pii sa kunuzũ ye kɛ sɪ, sa ye bip, Le nɛ tɔge nu, e na m doo lokwa m ɛɛ epoo lo dum a naa tah a? E Jisus kɔ ye nɛ, E na a nua o kue mɛ le nɛ lo a? Lɔgɔ nɛ a lee naale mɛ aba Bari. O suã dɛdɛɛ lok: O a fɛ nɛ, O a kue wa dɔɔna nɛ, O a yib biu, O a yira ekeebee esah, O a ziã nɛ, Nwadɛɛ o tɛ le ka. E a kɔ ye nɛ, Nɛ tɔge nu, dɛdɛɛ pya lo nu ama m ebee sere

aã dee m bee le nwĩ. E Jisus ɛp ye sa ye wereloo, e a kɔ ye nɛ, Ziɪ nu a a naɛɛ lege; kii, oo ɛɛgeba nu o ɛɛ, sa nɛ pya kporo, e o ɛɛge zo li bunyɔ̃; sa lu, mɛ nyɔ̃ɛ. Mɛ sɪ ye gae biira loo ue a, a su birabu kuma; nyɔ̃ɛbee a bee ɛɛ gbɛɛ-ekpo nu ereloo.

1 Jon 5:11, 12

E alɛ ama na ekeebee a, kɔ Bari bee i nɛ dum a naa tah, e lo dum ama le bu ye Nwĩɛdam. Nɛ a ɛɛ Nwĩ-nɛdam ɛɛ lo dum a, nɛ a naa ɛɛ Nwĩ-nɛdam naa ɛɛ lo dum a.

Kam 16:25

Ziɪ dee le lo a bee kɔ a lee lo nɛ, mɛ ye kuma na dee luh a.

Efesōs 5:6

Doolo logō nēē naa dag i bu ekobu muē ue, nyōnebee nyōō pya lo nu ama na saŋ Bari lu nyōō mi-ōŋō-nēēdam a naa nē enwadeē.

1 Jōn 3:7, 8a

Pya gbomioŋō, bui aa doo kō logō nēē a dag i. Nēē a doo kaana dogo lu kaana, dookē ale kaana doo. Nēē a doo pōrō lu nēē a aaloo pōrō edōō; nyōnebee pōrō edōō ebee doo pōrō aā bōatē.

1 Kōrint 6:9, 10

Buii suāge kōmē pya a naa doo kaana dogo naa ēē eyii buē-mēne Bari? Bui aa doo kō a lu edag i; naale pya kue wa ale pya yō, ale pya ma-niē nu, ale lo elō loo pya

nēēdam, ale pya biu, ale pya ma-niē nu ale pya ō miī tēa deē, ale pya gbee bee nēē, ale a aŋana nu lēē ba nēē naale eyii buē-mēne Bari.

Galetia 6:3

Nyōnebee lo a le ēregeba nēē kēere alēē loo kō a lue ziī nu sō a naale logō nu a dag loo ye.

Galetia 6:7

Bui aa doo kō a lu edag i, Bari naale nēē ebōbēē kēē, nyōnebee ēregeba nu nēē egara, lo nu ama na a efiinage a.

Jemes 1:22

Mē bui luaa pya a doo ue a, e a naale aba pya a dā, sa dag aba bui.

Rom 5:12

Nyɔbee wo dookē poro bee temaloo zii nɛe yii bu nyɔuwe doo, e luh temaloo poro, e luh temaloo wo ina loo dēdē nɛe a bee doo poro.

Jemes 1:15

Lo sō ye poro tae sō a esua bu a mae poro; e poro, sō a enyima ina kē tō, a nua lu.

Rom 8:6

Nyɔnebee gbīgbī nu namloo nua lu, gbīgbī nu Edoō nua dum le efɛlo.

Ezekiel 18:20

Piogi a doo poro ga le u. Nwī-nɛdam naale muɛ poro nyɔ doo gbee ye tɛ, ale tɛ emuɛ poro nyɔ

doo gbee nwī-nɛdam; kaana dogo lo nɛe kaana dogo ga lee le ye nyɔ, e doo gbee nɛe bag dogo ga lee le nyɔ ale.

Luk 15:32

A bɔloo e'ere ɛɛbu sa eeɲa, nyɔnebee o wuga ama bee u, e a le dum; a bee pe, e a elua emuɛ ye!

Kam 11:19

Nɛe a yira agere bu kaana dogo ga lee tō dum mɛ nɛe a nyɔne poro ga lee u.

Rom 6:21

Amunu biī na bui bee ere lo sō aāloo nu a i bɔbɛe kɛe anyawo a? Nyɔnebee kuma pya lo nu ama na lu.

Luk 7:14, 15a

E a lu sa daabalo nu toā ii nēē a, sa pya a bee toora a yira. E a kō, Nwī zuguru, m kō a nē, aakē. E nēē a e'ua aakē, sa bōatē ekō ue.

Jōn 11:43, 44

Sō a ekōa pya lo ba ama sa, a su gbene mūē nwimakpā, Lazaros, aabu sira ee. Nēē a e'ua aabu sira, bee lu esu bē ii'nēē ye bōma ba le tō, e a lu esu bē ye pigara sī. Jisus kō wa nē, Yōbara ye sa doolo a kii.

Jōn 10:17, 18

Nyōō lo ba ama na Tē mē were loo a, nyōōbee m sere na dum kē, lokwa m ye sinagekē su. Lōgō nēē naale esu ye mē lēē ba, mē mda

esere ye kē mdaa loo. M ērē ekpo eseā ye kē, sa ēnēge ekpo esinagekē ye su; lok ama na m bee ērē aā ba na Tē a.

Mumuuna 1:18

Le nēē a le dum; e m bee u, e ēp m le dum mme dee a naa ta, sa m ērē dēdēē igara lo lu le lo Hedis.

1 Kōrint 15:3, 4

Nyōōbee m bee i su nē bōolo lo tuatua gbeneka nu mda bee sunage, kōmē Kraist bee u nyōō ilii pōrō dookē kpa kaē kō doo, e a bee lu eli ye, e a bee lu edana ye lēē kē nyōō taa bira dee dookē kpa kaē kō doo.

Deuteronomi 5:7-21

O a ere pya doona bari a naale mda.

O a kwa nwī-nē-pie a bee lu e'ɔ nē oloo, ale bera eregeba nu a le bunyɔɔ li mm-nyɔɔ, ale lo a le nyɔuwe a ye le kēē, ale lo a le bu maa kēē nyɔuwe; o a wa tuaba kē nē ale si tam wa nē

O a su bee Jehova o Bari nua yɔɔ nu: nyɔnēbee Jehova naale ep nē a su ye bee nua yɔɔ nu doodoo nē ue naa bee.

Sere dee fērelloo, lo esere ye nua kaē, dookē Jehova o Bari bee a nē lok doo. Ini'ii bira dee na o ga le piaga sa si dēdē o tam a

Nwadeē o tē le o ka, dookē Jehova o Bari bee a nē lok doo

O a fē nē.

O a kue wa doona nē.

O a yib biu.

O a yira ekeebee esah pima o nē yɔɔ le.

O a ma nē wa o nē yɔɔ le, e tɔ o nē yɔɔ le aa a taē e'ere, ye kere uwe, ale ye zoro nēdam, ye zoro nēwa, ye nam, ye enyanya-toora-to, ale eregeba nu o nē yɔɔ le ere.

Jɔn 13:34

Aā lok na m i nē a, lokwa bui wereloo enia bui; dookē mda i wereloo doo, lokwa bui weenege loo enia bui.

Job 34:21, 22

Nyɔneɓee baɛ dɛɛ ye le nyɔɔ dɛdɛɛ dee nɛɛ, e a muɛ dɛdɛɛ dee ye pah ekaɛɔ. Logo tɔdee ale gbɛnɛ zii naale kɛ pya pɔɔ dogo dap gɔ wa loo.

Le-ɔɔ 139:8 le 12

Lo a le m dɛɛ kii bunyɔɔ, olo le a kɛ ama! Lo a le m kwa na daɛ bu Sheol, olo le a kɛ ama! . . . kune zii naa yii a loo, edɛɛ elu ɛɛ doodoo sɔ pie; nyɔneɓee zii le doodoo ɛɛ'dee a loo.

Jeremia 23:24

Zii nɛɛ dapge gɔ loo ye bu kɛ gɔã lokwa mm ye dap muɛ ni? Jehova kɔ. Mda mm mma bunyɔɔ le kenekɛ? Jehova kɔ.

Kam 15:3

Baɛ dɛɛ Jehova le bu ɛɛgeba kɛ, sa tɔɔ ɛp pya pɔɔ nɛɛ le pya le nɛɛ.

Luk 8:17

Nyɔneɓee logo nu a lu egɔ a naale esira bu ɛɛ'dee naale, ale logo nu a bee le egɔ a naale elu esuã sa lu bu ɛɛ'dee naale.

Hibru 4:13

E logo nu a bee lu edem naa gɔã ye kɛ sɪ mɛ dɛdɛɛ nu kiãtɛ sa yeeanu kɛ dɛɛ nɛɛ i ɛɛ ebuũ nu nɛ.

Doonu 17:27

Lokwa ba gbɪ Bari, bu ɛmadeɛ ba egbi ye bu dagi ba sa ye gbɪ muɛ. Kerewo a naale kɛ a binia aalo zii zii i.

22 MONATAŊA MME DEEDEE LO PYA ANAA NWADĒĒ BARI

Matiu 13:41, 42

Nwī nē eyere pya ye angel, e ba ebōneneloo aā bu ye buē-mene dēdē nu a doo kō ba a dō daa zaē, le dēdē pya doo pōrō, sa wa top tere bu gbene ebea miā; kē a na pya nē etoto sa taa daa wa.

2 Pita 3:7

Mē temaloo aba lo ue lo bunyō le kenekē a le anyawo bee lu ekpooḡe loo sere bema miā, lu esere bema dee biaē le gbegbee pya a naa nwadē Bari.

Le-yō 9:17

Pya bag dogo e'aa kii bu Sheol, dēdē pya edonyō Bari ibere wa.

Matiu 18:8

E lo a le ba a ale tō a edoo kō o dō daa zaē fii ye sa ye top bie lea loo; elee a loo eyii bu dum doanu ale kōḡah ee ē'ere baē ba ale baē tō, a lu etop a tere bu miā a naa wee zim deede.

Matiu 25:46

E ba alaba ama e'aa sa yii bu mue pōrō a naa wee ta, mē pya kaana dogo eyii bu dum a naa wee ta.

Mumuuna 20:15

E lo a le a naa lu emue lōḡō nē, a lu e'em ye bu kpa dum, elu etop ye tere bu bana miā.

Doonu 17:31

Nyɔnɛbee a esere zii dee lo a ebiaɛ ue nyuwe bu kaana dogo tema ba nɛ a bee tubebalo, e loo lo nu ama a enɛa edoba dɛdɛɛ nɛ temaloo dɛdana ye lɛ kɛ bu lu.

2 Pita 2:9

Nɛ-a-i-ɛɛ suɛ kɛ ekpɔɛ pya a nwadɛɛ Bari lɛ bu ɛma ɛp doo, sa su pya pɔɔ dogo sere kɛɛ muɛ pɔɔ doo gbee mmɛ dee biaɛ.

Mumuuna 20:12

E m bee muɛ pya a bee u, pya gbɛɛ le pya nwigbagbara, ba le eyira kɛsi kasi mɛɛ, e keekee kpa bee lu eyaari. Bee lunage eyaari lo dɔɔna kpa, lo a le kpa dum. E a bee lu ebiaɛ ue lo pya a bee u

temaloo nu a bee lu e'ɛm bu keekee kpa dookɛ wa tam le doo.

Bu lo ba ama na wereloo e'mma i kpaɛ, lokwa i ɛɛ eaga niɛ nyɔɔ dee biaɛ, nyɔnɛbee dookɛ alɛ le doo, kɛ ili elenage doolo bu lo nyuwe ama. —1 Jɔn 4:17

E dookɛ a bee lu esere nɛ nɛ kɔ ba a u aba zii sɔ, lo ba ama etɛna biaɛ ga enyɔnɛ. —Hibru 9:27

Nyɔnɛbee dɛdɛɛ i ɛɛ esira kɛsi kasi biaɛ lo Kraist, lokwa zii zii i e'obia su le ale pɔɔ, doodoo kɛ a bee doo nu bu ye ekpaloo doo.

—2 Kɔrint 5:10

Nyɔwo zii zii i ga le kɔ nu akiiloo aba ii nɛ Bari. —Rom 14:12

Rom 9:16

Nyɔbee wo naale nɛɛ a gbī ale tɛba nɛɛ a teba na a ɛɛ a, mɛ a le nɛ nɛɛ Bari toesaɛ.

1 Pita 5:5b

... Bari gbanasī pya a su loo wa kuma nyɔɔ, mɛ a nɛ ewonu pya a kumalookɛ.

2 Kɔrint 8:9

Nyɔnɛbee bɔɔlo suā ewonu Nɛɛ-a-i-ɛɛ Jisus Kraist, kɔ kere a bee lu mɛnɛ, mɛ nyɔɔ bɔɔlo a bee lu kporo, lokwa tɛmaloo ye kporo bɔɔlo elu mɛnɛ.

Rom 5:15

Mɛ a naale kɛ doo gbee le doo na dɔɔnu lenage doo a. Nyɔnɛbee lo a le tɛmaloo doo gbee zī nɛɛ booboo

nɛɛ bee u, lo a ee wo ewonu Bari le gbɛnɛ dɔɔnu a lu tɛmaloo ewonu aba zī nɛɛ Jisus Kraist bee bu egia ina loo booboo nɛɛ.

Doonu 4:33

E bu gbɛnɛ ekpo pya nɛɛ lɛɛratam bee nɛ wa ekeebee kumaloo aakɛ bu lu lo Nɛɛ-a-i-ɛɛ Jisus, e gbɛnɛ ewonu bee le nyɔɔ dɛdɛɛ aba.

Taitɔs 3:7

Lokwa a elu esu ye ewonu i buā nua pya kaana dogo, kɔ i lu pya i yɔ ye ɛɛ epoo bu bɛabu dum a naa ta.

2 Kɔrint 9:15

Doo yaa a le nɛ Bari nyɔɔ ye dɔɔnu lo ii dap kɔ!

Doonu 17:30

Nyowo Bari bee ep kuma kē sō
nēe naa bee suā, mē nyawo a nē lok
dēdē nēe a le dēdē kē kō ba a
kiya.

Luk 13:3

M kō i nē, Eeye; mē kēere kō bui
kiya, dēdē bui epenage doo wo
ama.

Doonu 3:19

Nyowo kiya, sa obia lu, lokwa a
lu ezugere dēdē bui pōrō lēe,
lokwa sō ē'ere aā mem lo a aa kē sī
Nēe-a-i-ere elu doo wo ama.

Doonu 2:38

E Pita kō wa nē, Kiyaa, sa ere
baptism zīi zīi bui bu bee Jisus

Kraist nyōbee aaloo dēdē bui
pōrō; sa bui ere dōōnu Kaē Edoō.

2 Korint 7:10

Nyōnebee ekienu loo Bari si tam
kikiya mme loo kpōā, kikiya a naa
su lōgō ekienu nua, mē ekienu
nyōuwe si tam luh.

Matiu 3:2

Kō, Kiya, nyōnebee buē-mene
bunyō ewara.

Kam 28:13

Nēe a gō dēdē ye doo gbee naale e
kii sī leere, mē nēe a wa kō siā sa wa
aaloo ga le ere toesaē.

Luk 15:10

M kō i nē kōmē, Kē ēēa a lenage
doo na ama kē sī pya angel Bari
nyō zīi nēe pōrō a kiya.

Matiu 6:14

Nyɔnɛbee lo a le bui aaloo elo dee pya nɛ wa nɛ, bui Tɛ lo a le li bunyɔɔ e'aanage loo bui elo dee i nɛ.

Ezekiel 18:21

Mɛ lo a le nɛ bag dogo kiya aaloo dɛdɛɛ ye pɔɔ lo a ebee doo sa sere dɛdɛɛ na lok sa doo nu a le bu lok a kaana, bu kaka a ga le tɔɔ dum; a naale u.

Mumuuna 3:20

Ɛp, m le eyira loo nudee sa tɔabaloo; lo a le ɛɛgeba nɛ dā mɛ muɛ sa kpaana bũ, m ga eyii ye loo, sa ye yɔ de nu, e alɛ eyɔ mɛ de.

Aisaia 55:7

Doolo nɛ bag dogo aaloo ye dee, le nɛ a naa doo kaana dogo aaloo dɛdɛɛ ye ekɛɛɛ; e doolo a obia pii Jehova, lokwa a ye ɛɛ toesaɛ loo, le obia pii ilii Bari, nyɔnɛbee a elɛbaloo ye nɛ eman-yɔɔ.

Doonu 5:31

Nɛ ama na Bari bee ye dana nɛ nyɔɔ loo ye bara bale doodoo nɛ ture le Nɛ-kpɔã, lo enɛ kikiya Israel le aaloo dɛdɛɛ pɔɔ.

Maak 2:5

Jisus, kɛ a muɛ wa yira doo, kɔ nɛ nɛ ua baraloo a, Nwĩ o pɔɔ elua e'aaloo a nɛ.

Kolosi 3:2

Serea bui ekeere nyoo pya nu a le nyoo, a naale nyoo pya nu nyouwe.

Efesos 5:11

Sa buii gbania lo zii loo tam a le bu zii a naa ere bii, me kerewo begea wa ue.

Aisaia 1:16

Logaa bui loo, doora lo bui loo ee; kpoora dedee bui poro dogo lee ke si na bae dee; aaraaloo doo poro.

Taitos 2:11, 12

Nyonabee ewonu Bari esira lo esu kpoa ne dedee nee, sa i zuura-ba-to ko i kii nu a naa nwadee Bari, le dedee poro tae a le bu

nyouwe, sa too dum bu ekeere a mma, kaana dogo, le lo enwadee Bari bu lo so ama.

Jemes 4:4

Pya kuna ga! Buii suage ko yii gbo nyouwe lu baalo ke Bari ni? Nyabee wo eregeba nee a gbi eyii gbo nyouwe su ye loo nua dam baara lo Bari.

1 Jon 2:15, 16

Bui aa wereloo nyouwe ale nu a le bu nyouwe. Lo a le eregeba nee wereloo nyouwe, wereloo lo Te naa ye le bu. Nyonabee dedee nu a le bu nyouwe, lo tae namloo, le lo tae dee, le lo ena dum, naale lo Te, me a aa bu nyouwe.

Ezekiel 36:26

Aã benie na m ga le ne i a, e aã edoõ na m ga le yere i bu a; e m ga le su benie dem lee bu bui namloo, sa i ne benie lo a le namloo.

1 Jon 2:29

Lo a le bui suã kome a lu nee kaana dogo, bui suã leere kome eregeba nee a doo kaana dogo meã ye aãloo.

2 Korint 5:17

Nyobee wo lo a le eregeba nee le bu Kraist, elu edem ye aã; lo nama eteẽ aa, ep, lo aã elua.

1 Jon 5:18

I suã kome eregeba nee a bee meã temaloo Bari naa doo poro me

nee a bee meã temaloo Bari sere ye, e poro nee naa daa ye balo.

Jon 3:3

Jisus ture ye ne sa ko, Kaka, kaka, m ko a ne, keereko nee esikẽ meã, naale edap muẽ buẽ-mene Bari.

1 Jon 5:11, 12

E ale ama na ekeebee a, ko Bari bee i ne dum a naa ta, e lo dum ama le bu ye Nwĩnedam. Nee a ere Nwĩ-nedam ere lo dum a, nee a naa ere Nwĩ-nedam naa ere lo dum a.

1 Pita 1:23

Bui bee sikẽ meã aã, naale lo eyuu a epe me lo a naale epe temaloo ue Bari a etoõ sa le dum.

Efesus 2:1 le 6

E bɔɔlo na a bee doo kɔ bui tɔɔ dum a, kē bui bee u doo temaloo bui gbee lok le pɔɔ, ... sa bee i dana ye gbaāloo sa doo kɔ i yɔ ye ɛɣetē bu kē li bunyɔɔ bu Kraist Jisus.

Kolosi 3:1

Nyɔbee wo lo a le a bee lu egbaa i loo Kraist dana lɛ kē, gbiā pya nu a le nyɔɔ, kē Kraist le, sa ɛɣetē bara bale Bari.

1 Pita 2:24

Alɛ alɛ loo bee toora i pɔɔ bu ye ekpaloo nyɔɔ te, lokwa i u loo pɔɔ sa tɔɔ dum loo kaana dogo. Temaloo ye muū elua ebo i.

Rom 6:2 le 11

Ili i ebee u loo pɔɔ, i tɛē doodoo wa sikē tɔɔ bu pɔɔ ni? ... Bu lo sī dee ama bɔɔlo bɔɔloo loo ɛɛ ebuū bui loo nua pya a e'ua ne pɔɔ, mɛ bui tɔɔ dum ne Bari bu Kraist Jisus.

Kolosi 2:13

E bɔɔlo, lo a bee u temaloo bui gbee lok le bui namloo a sii kooa, Bari bee doo kɔ bui yɔ ye tɔɔ dum. kē a bee aaloo dēdē ilii doo gbee doo.

Galetia 5:24

E pya a bee le loo Kraist Jisus bee ka namloo loo te gbaāloo ye gbīgbī pɔɔ le ye tɛ pɔɔ.

Galetia 6:8

Nyɔnɛbee nɛɛ a egara nɛ ye namloo aãlo ye namloo efiinage nu a bɛm; mɛ nɛɛ a egara nɛ Edoɔ e'aãnage loo Edoɔ fii dum a naa tah.

Jon 3:14, 15

E dookɛ Moses bee dana yoo lɛɛ kɛ bu kpo-sagara-wii doo, kɛ a elunage edana Nwĩ nɛɛ lɛɛ kɛ doolo, lokwa ɛɛgeba nɛɛ a ye yira nɛ dap ɛɛ dum a naa tah.

Rom 6:23

Nyɔnɛbee ekpɛanu poro na luh, mɛ doɔnu Bari na dum a naa tah bu Kraist Jisus Nɛɛ-a-i-ɛɛ.

Jon 17:3

E alɛ ama na dum a naa tah a, lokwa ba suãloo olo, aba kaka Bari, le Jisus Kraist nɛɛ o bee yere.

Jon 5:24

Kaka, kaka, m ko i nɛ, nɛɛ a dã na ue sa yira nɛ nɛɛ a bee mɛ yere, e'ɛɛ dum a naa tah; e a naale lu bu biaɛ, mɛ a etɛna aa bu luh kii bu dum.

Jon 3:36

Nɛɛ a yira loo Nwĩ-nɛɛdam e'ɛɛ dum a naa tah; nɛɛ a naa yira loo Nwĩ-nɛɛdam naale emue dum, mɛ saɲ Bari edoa ye nyoo.

Aisaia 32:17

E nu a esira loo kaana dogo ga le lu efɛlooo, e nu a esira aaloo kaana dogo na efɛlooo le ture nie loo ina deedee.

Galetia 4:6

E nyɔnebee bui lu mioŋo nɛdam, Bari bee yere Edoɔ ye Nwĩ-nɛdam bu ilii benie, wiikpã, Abba! Tɛ!

1 Jɔn 3:18, 19

Pya gbomioŋo, dooraa ii lee wereloo bu muẽ ue ale bu ekɔa me bu dogo le bu kaka. Bu lo ba ama i ga le suã kɔme i lu pya a aalo kaka a, sa doo kɔ i benie a yira agere ye kē sī.

1 Jɔn 4:13

Bu lo ba ama i suã kɔme i toɔ ye bu e ale bu ili, nyɔnebee a bee i ne aaloo ye Edoɔ.

1 Jɔn 2:3

E temaloo lo ba ama i suã kɔ i esuã ye loo, lo a le i sere dēdē ye lok.

Jɔn 14:21

Nɛɛ a ere dēdē na lok sa we sere, ale na a me wereloo a; e nɛɛ a me wereloo na Tɛ ewere ye loo, e mda ewere ye loo sa siã na loo ye nɛ.

Rom 8:16

Edoɔ Bari gbaa loo ilii edoɔ yira ekeebee, kɔme ii mioŋo Bari.

Jon 17:13

Me nyawo m ga a lu pii; e pya lo nu ama na m kō bu nyōuwe a, lokwa ba ere na eēŋa kō a mma wa bu.

Rom 14:17

Nyōnebee buē-mene Bari naale dede le 5'5, me kaana dogo le efēeloo le eebu Kaē Edō5.

Galetia 2:20

Bee lu eka me loo gbāgbaē te gbaāloo Kraist, me a naale mda na m tō5 dum, me Kraist lo a me tō5 dum bu; e lo dum m tō5 anyawo bu namloo m tō5 bu yira a le bu Nwī-needam Bari, lo a bee me wereloo, sa su ye loo me ne nyō mda.

Aisaia 12:3

Temaloo eebu na bui gaa lee ibi maa aā bu dēdēē bana-maa kpōā.

Jon 15:11

Pya lo nu ama na m bee i kō ne a, lokwa na eēŋa i le bu, e lokwa bui eēŋa mma.

Le-yōō 16:11

Olo na o me tōge dee dum a; bu kē olo le na eebu mma a, bu bara bale a na dēdēē ekpe a naa ta le a.

1 Pita 1:8

Kere buii bee ye muē bui werea ye loo, kere buii ye dap muē anyawo bui yiraa ye ne sa eēŋaa gbene temaloo eebu lo ii dap kō lo a mma bu ka.

1 Samuel 12:15

Mε lo a le buii le gbaētō lo muc
Jehova, me bui lee-bee-keē lo egbee
lok Jehova, lo sō ba Jehova ga lee
doo bōolo le bui mene-buē.

Rom 6:16

Buii suā kō sō bui su loo i sere
keē nē sa ye gbaētō loo bui lu ye
zooro, zooro pōrō a nua lu ale
zooro gbāgbaētō lo a nua kaana
dogo?

2 Tesalōnika 1:7-9

Sa nē efēeloo bōolo pya etērelloo
le loo, sō Nēe-a-i-ere Jisus esira aa
bunyō gbaāloo pya ye angel ekpo
le loo bu ebea miā, le lo ekpe pōrō
nē pya a naa suāloo Bari, le loo

pya a naa gbaētō le yere ue Nēe-a-
i-ere Jisus. Pya a ere ekpeanu wa
pōrō lo kaana biaē lo bebegēe ue a
naa ere kuma aa kē sī Nēe-a-i-ere le
aaloo nyenja ye ekpo.

Deuteronomi 11:26-28a

Ep, m gaa i sere mmsī ani'ee
leelee le kaē nu nē: leelee a, lo a le
bui gbaētō loo dēdēē lok Jehova
bui Bari bee i nē, lo mda gaa i nē
ani'ee, e kaē nu nē a, lo a le buii
gbaētō loo dēdēē lok Jehova bui
Bari.

Mumuuna 22:14

Leelee a le nē pya a log wa bēloo
lokwa ba ere epoo lo te dum a, sa
tēma nudee yīi bu gbēnē buē a.

Filipai 2:11

Sa dēdēē edem kɔ yaari kɔmɛ Jisus Kraist na Nɛɛ-a-i-ɛrɛ a, lo ka Bari a le Tɛ.

Matiu 10:32, 33

Nyɔwo ɛrɛgeba nɛɛ a mɛ kɔ siā kē sī pya nɛɛ, mda ekɔna ye ge siā kē sī na Tɛ lo a le li bunyɔɔ; mɛ ɛrɛgeba nɛɛ a mɛ anna kē sī pya nɛɛ, mda e'anna ye ge kē sī na Tɛ lo a le li bnyɔɔ.

Rom 10:9, 10

Nyɔnɛbee lo a le o su egā a kɔā siā kɔ Jisus na Nɛɛ-a-i-ɛrɛ a, e lo a le o yira a li benie kɔ Bari bee ye dana lɛɛ kē bu lu o ga le ɛrɛ kpɔā. Nyɔnɛbee benie na nɛɛ su nyia sa

ɛrɛ kaana dogo a, e egā na a su kɔā siā sa ɛrɛ kpɔā a.

1 Jɔn 2:23

Ɛrɛgeba nɛɛ a anna Nwī-nɛɛdam naa ɛrɛ Tɛ a. Nɛɛ a kɔ Nwī-nɛɛdam siā na a ɛnɛge Tɛ a.

Luk 9:26

Nyɔnɛbee ɛrɛgeba nɛɛ a ɛrɛ bɔp kɛɛ mɛ loo, le loo dēdēē na ue, loo alɛ na Nwī nɛɛ e'ɛnɛge bɔp kɛɛ loo a, sɔ a elu bu ye ka le ka lo Tɛ, le lo pya angel a le kaɛ.

1 Jɔn 4:2

Bu lo ba ama bui suāloo Edɔɔ Bari: ɛrɛgeba edɔɔ a kɔ siā kɔmɛ Jisus Kraist elua bu namloo, aaloo Bari.

1 Pita 5:8

Nwanaadeē, tōōnaabae. Bui nēe bah lo a le pōrō edōō kiā i tēē enene doodoo sasa-ekpo a ga pōm, sa gbī nēe a eba.

2 Tesalōnaika 2:9

Nēe ye lulu doodoo esia tam Setan ele bu dēdēē ekpo le bu edoba le nyenja esah.

Matiu 4:1 le 10, 11

Lo sō a bee lu eture Jisus tema ba Edōō kuma bu kposagara-wii loo edoā ye ep temaloo pōrō edōō. . . . Lo sō Jisus kō ye nē, Kii Setan! Nyōnebee a bee lu e'em, Nēe-a-i-ere o Bari na o tuabah kē nē a e aba ale na o gaa lee si tam nē

a. Lo sō a pōrō edōō aa ye loo, e ep, pya angel bee lu sa ye si tam nē.

Efesōs 6:11

Yaaraa dēdēē nu nō Bari, lokwa bui dap yira agere loo dēdēē kianaana pōrō edōō.

Doonu 26:18

Lo eyeere wa dēē, lokwa ba kiya aa bu zii yii bu ēē'dee, e aāloo ekpo Setan pii Bari, lokwa ba ere aaloo dēdēē pōrō le epoo yee pya a bee lu esere kaē temaloo yira lo a mē le bu.

2 Kōrint 10:4

Nyōnebee ilii nu nō naale lo nyōuwe, mē ba ere ekpo kēsī Bari lo efēe kē a aga tere kē.

2 Tesalonaika 2:8

E lo sō nɛɛ-gbee-lok esira, e Nɛɛ-a-i-ɛɛ Jisus esu efɔp a ye aa bu egā ye fɛā tɛmaloo esiā ye loo le ye lulu.

Jemes 4:7, 8a

Nyɔbee wo suaa bui loo sere kɛɛ Bari. Gbanasī pɔɔ edɔɔ e a eteera i aaloo. Suaa bui loo nua lo Bari, e alɛ etɔɔ i wae loo.

Efesɔs 6:16

Eenyɔɔ dɛdɛɛ nu bui suaa kpega yira, lo lokwa bɔɔlo bui dap zime dɛdɛɛ ekpā lo a ga be miā lo pɔɔ edɔɔ.

Hibru 2:14

Nyɔbee wo kɛ pya gbomioŋɔ a ɛɛ epoo bu namloo le mii, alɛ alɛ

loo bu aba lo sī dee ama e'ɛnɛge doo wo; lokwa tɛmaloo lu a epee ekpo nɛɛ a bee ɛɛ ekpo lu, lo a le pɔɔ edɔɔ.

Rom 8:35 le 37

Mɛɛ na a ekpoora i lɛɛ loo wereloo Kraist ɛɛ a? Etaŋiloo, sɛ toga, sɛ tɛŋaloo, sɛ kii, sɛ kiātɛ, sɛ ebɛɛnu, sɛ gɛ nɔ? ... Kerewo i eenyɔɔ pya eebeba tɛmaloo nɛɛ a i wereloo.

1 Jɔn 3:8

Nɛɛ a doo pɔɔ lu nɛɛ a aaloo pɔɔ edɔɔ; nyɔnebee pɔɔ edɔɔ ebee doo pɔɔ aā bɔatɛ. Lo ba ama na a bee nua kɔ Nwī-nɛɛdam Bari a bee sira a, lokwa a gbee dɛdɛɛ tam pɔɔ edɔɔ.

1 Jɔn 4:20

Lo a le eregeba nɛɛ kɔ, Mda wereloo Bari, mɛ a baaloo ye wuga, a lu nɛɛ kɔ esa; nyɔnɛbee nɛɛ a naa wereloo ye wuga lo a emɔna, naale edap wereloo Bari lo a naa bee muɛ lɔgɔ sɔ.

1 Kɔrint 13:1

Lo a le m kɔ keekee ue nɛɛ le pya angel sa mm ɛɛ wereloo m le doodoo muɛ nɔɔnɔkpe ale eba elala a siã muɛ.

Jɔn 13:35

Temaloo lo ba ama na dɛdɛɛ nɛɛ esuã kɔmɛ bui lu pya awɛɛ mɛ nyɔnɛdumɛ, lo a le bui ɛɛ wereloo lo ɛnia bui.

Galetia 5:22, 23a

Mɛ eyuu Edɔɔ na wereloo, ɛɛbu, efɛeloo, nyɔnyɔɔ igerebu, kaana benie, le dogo, kaana yira, fɛge dogo, aa olo loo.

1 Jɔn 3:14

I suã kɔmɛ i etena aa bu lu ina bu dum, nyɔnɛbee i wereloo pya wuga. Nɛɛ a naa wereloo bia bu lu.

Jɔn 21:16

A kɔ ye nɛ lo eree baɛ sɔ, Saimon, nwī Jɔn, o were mɛ ge loo? A kɔ ye nɛ, Ii, Nɛɛ-a-i-ɛɛ; o suã kɔmɛ m were a loo. A kɔ ye nɛ, Ep na gbo naana pee.

Doonu 10:39-41

E ili lu pya ekeebee loo dēdē nu a bee doo bu buē pya Ju le bu Jerusalem. Ba bee ye fē temaloo kēkē ye nyoo te; mē Bari bee ye dana lēē kē nyoo taa bira dee sa doo kō a sira bu ēē'dee; naale nē dēdē pya nēē, mē ili lo a bee lu esage temaba Bari doodoo pya ekeebee, pya a bee ye nyōnē de sa ō, sō a bee aakē bu lu.

Rom 4:25

Nēē a bee lu elēē nyoo i logara lok sa a lu edana ye lēē kē lokwa a lu ekue i pya kaana dogo.

Jon 20:26-28

Sō dōona ēēba dee etēna, pya awee ye nyōnē dumē bee le bu tō,

sa Tomas bee wa le loo. Jisus bee lu sō dēdē bū ebee lu ekpāē, sa wa yira tae yēē, sa kō, Efēloo a le i nē. Lo sō a kō nē Tomas, Su o nwī ba yere a kē ama, sa mē ep baē ba; sa su o ba nua sa mē tue baraloo; o a lu nēē a naa yira, mē yira. Tomas ture ye nē, Nee-a-mē-ēē le na Bari!

Maak 16:9

Mē sō a e'aarakē bagara lōrē tua dee lo kaē, a dasī sira loo Meri Magdalini, wa a bee kpo ēēba pōrō edōō lēē loo.

2 Korint 4:14

Kē i suā kōmē nēē a bee dana Nee-a-i-ēē Jisus lēē kē edaanage ili gbaāloo Jisus, sa i su gbaāloo bōolo nua ye kē sī.

Matiu 16:21

Aã sô a Jisus bôatê etôge pya awee ye nyone dumê kômê a ere esi Jerusalem sa muê booboo etêere aã ba pya ka nêe le pya tē sī ewop le pya em kpa, sa ba efe ye, e nyoo taa bira dee a e'aakê.

Rom 6:3-5

Se buii suã kômê dēdēē ili lo a bee lu egba loo Jisus temaloo egaramaa bee lu i egara imaa nyima bu ye lu? Nyobee wo ebee lu egba i loo ye li temaloo egara imaa nyima bu ye lu: lokwa dookê a bee lu edana Kraist lēe kê bu lu temaloo ka ye Tē, kê ili damanage kiã bu aã dum doolo. Nyonebee lo a le a elua esu i ye gba loo temaloo bera

ye lu, elunage esu i temaloo bera ye aakê bu lu.

Jon 5:25 le 28, 29

Kaka, kaka, m ko i nē, lo sô elek-ke gaa lu, e a le anyawo, sô pya a e'ua edã muê Nwī-nēendam Bari, e pya a dā etoo dum. . . . Bui aa ere nyenia lo pya lo nu ama nyonebee sô elek-ke gaa lu, sô dēdēē pya a le bu li edã ye muē, sa aa bu lu, pya ba edoora le e'ina loo aakê loo dum, mē pya a doo nu a naa lee e'ina loo aakê loo biaē.

Rom 1:4

Mē a bee tōge siã bu ekpo doodoo nwī-nēendam Bari bu Edoo a le kaē temaloo aakê bu lu. Nēe ama na Jisus Kraist Nēe-a-i-ere.

Luk 1:74, 75

Lo ene i kome ili a bee lu ekpoa lee ke ba pya i dam baara, esi tam ye ne aaboo naale loo, bu ee benie le kaana dogo ye ke si lo dedee i dum.

2 Korint 7:1

Ke i ere yii ama doo, pya na wereloo, doolo i loga ilii loo aaloo dedee nu a gbee ekpaloo le edoo, sa doo nu kae mme bu boo loo Bari.

2 Timoti 2:21

Nyabee wo lo a le eregeba nee onana looye aa bu pya lo nu ama, a elu nu ka, le nu kae a boloo nu ye te-ere esu daa nu, a boloo esu sia dedee le tam.

1 Pita 1:2

Pya a bee lu esage dooke Bari lo Te a bee dasi sua doo, sa sere nua kae temaloo Edoo lokwa bui gbaeto loo Jisus Kraist lokwa a lu esu ye mii i pine loo: Ewonu le efeloo a yii loo i ne.

1 Pita 1:15

Me dooke nee a bee i kue tua so le kae doo, boolo lunaage kae bu dedee bui dogo.

2 Timoti 2:15

Agereloo ke-si gbo nee doodoo nee Bari bee sage sia, nee tam a naa ere bop kee, nee a aabalo kaka ue a leere.

Aisaia 35:8

E zii gbene dee ga le le a kē a, e a elu ekue ye Dee a le Kae, pya wa nie naa ee naale tēē ye nyoo, e pya ezu naale tēē-ekwo ye bu.

Hibru 13:12

Nyowo Jisus bee muenage poro kē ee lo nudee buē lokwa a sere pya nee kae temaloo ye mii.

1 Jon 1:9

Lo a le i ko i poro siā, ale boloo eture nie loo sa a lu kaana, lokwa a aaloo i poro i ne, sa i log onana lee bu dēdē i poro dogo.

Matiu 3:11

Mda su maa i egaramaa mme lo kikiya, me nee a me lu dume ere

ekpo me ee, nee mm boloo e'aara ye kpa ekaeto; ale esu Kae Edoō le miā i egaramaa loo.

Efesos 1:4

Dookē a bee i sage doo ye bu, lee ekatē nyowu gae bōatē, lokwa i lu kae sa ii ere logo beebie ye kē si.

2 Pita 3:11

Kuma sō dēdē pya lo nu ama epe ta, me dua nee na boloo ere elu bu bui dum a le kae le lo enwadē Bari.

Efesos 4:24

Sa yaa bui aā dee dum, lo a bee lu edem aāloo bera Bari bu kaana le dogo le kae.

Doonu 1:8a

Mε bui ga le su ekpo sō Kae EdoŌ elu i nyō, e bōlo ga le lu pya na ekeebee

Ezekiel 36:27

E m ga le yere na edoŌ i bu, sa doo kō bui kiā bu dēdē na lok sa ep leere lo esere dēdē na etōanu.

Doonu 13:52

E εebu le Kae EdoŌ bee mme bu pya awee nyone dume Jisus.

Luk 11:13

Nyōbee wo lo a le bōlo, pya a lu pōrō, suā kē ene le dōnu pya bui miōnō doo, bui Te lo

a le li bunyō edoodoo wa aaloo ene Kae EdoŌ pya a ye bara ni?

Rom 8:9

Mε bōlo bui ga le kiā bu sī dee namloo mε sī dee EdoŌ, lo a le EdoŌ Bari tō i bu. Mε lo a le nē naa ere EdoŌ Kraist, naa lu lo Kraist.

Doonu 4:31

E sō ba ebara sa, dō kē ba bee le bōnana nyōnā, e Kae EdoŌ mma loo dēdē aba, sa ba su eagaloo kōā ue Bari.

Doonu 11:24

Nyōneebee a bee lu kaana nē, lo Kae EdoŌ le yira mma loo. E a lu eyere gbenekpō nē loo Nē-a-i-ere.

Le-yoo 34:18

Jehova toō wae loo pya benie baara, sa kpoā pya wa edoō lu ezag bii kē.

Aisaia 66:2

Dēdēē pya lo nu ama na ba me edoora a, nyowo dēdēē pya lo nu ama lu lo mda, Jehova ko. Me nēē ama na a lu nēē m ep a, nēē a kumaloo kē sa ye edoō elua ebii-kuma-kē, sa nyona loo na ue.

Mumuuna 21:4

E a esiṇana dēdēē maa-to wa lēē dēē, e lu naale elena, ale ekiē-nu, ale to, ale yoyo, nyonebee pya lo tuatua nu etena aa.

Le-yoo 37:3

Ture nie loo Jehova sa doo le, e o ga le toō bu nyuwe sa ere le kē etoō.

1 Pita 4:12, 13

Pya na wereloo, aa i lu ziī dua loo lo e'ema ep eaga miā lo a i do nyoo lo e'ema i ep, doodoo bee nu a sii bee lu emue sira i loo. Me eṇṇaa bu kuma sō bui ere epoo bu muē pōro Kraist, lokwa bōolo eṇṇanage sa ere eebu sō a elu emuuna ye ka i ne.

Maak 9:23

Me Jisus bee ye ko ne, Lo a le o dap! Dēdēē nu wae loo nēē a yira.

44 KEEKEE YII ALE NE PYA ALU E'EMA-EP

Hibru 2:18

Nyɔnɛbee kē alɛ alɛ loo ebee
mɛ pɔɔ doo, e a lu edoã ye ep, alɛ
dap yereba nɛ pya a lu edoã ep.

Rom 16:20

E Bari efɛeloo enwaba tun
Setan i bie kēē ekaɛɔ. Ewonu
Nɛ-a-i-ɛɛ Jisus Kraist a tɔɔ i loo.

Le-yɔɔ 34:19

Booboo etɛɛɛloo le nɛ nɛ kaana
dogo; mɛ Jehova zuura ye lɛ bu
dēdēē aba.

Aisaia 43:2

Sō o tēē bu booboo maa m ga
lee le a loo; sō o tēē bu booboo

pɛnɛ, ba naale bu a ee bee; sō o kiã
tēē bu miã a naale taa a, e edem
miã naale op a lɛ.

Rom 8:28

E i suã kɔmɛ Bari doo kɔ dē-
dēē nu a le nɛ pya a ye were-
loo, lo pya a bee lu ekue dookē a
gbī doo.

1 Kɔrint 10:13

Logo ɛma ep aa i biibalo, mɛ lo a
le loo dēdēē nɛ, mɛ Bari bɔloo
eture niɛ loo, e alɛ naale eyira kɔ a
lu e'ɛma i ep emanyɔɔ bui ekpo,
mɛ tɛ ye ɛma ep a elu enɛ i dee
lokwa bui ɛɛ ekpo ye aã bu.

Mumuuna 3:12

Nee a be eeba, m ga le su ye nua bā-be bu tō kaē mdaa Bari; e a naale esikē aa bu logō sō, e m ga le em bee mdaa Bari ye nyōō le bee buē mdaa Bari lo aā Jerusalem a sira aā bunyōō kē mdaa Bari le, le mdaa aā bee.

Mumuuna 3:5

Nee a eeba na a elu e'uu ēē bēloo loo doo wo ama, e mm le zugere ye bee lēē bu kpa dum; m ga le kō ye bee siā kē sī na Tē le kē sī pya ye angel.

Mumuuna 3:21

Nee a be eeba, m nē ye kō a yō mē enētē nyōō na kasi mēnē,

dookē mda mdaa loo bee be eeba doo, sa yō na Tē enētē nyōō ye kasi mēnē.

Mumuuna 21:7

Nee a eeba e'ere epoo pya lo nu ama, e m lu ye Bari, e alē elu mdaa nwī.

Mumuuna 2:7

Nee a ere tō, doolo a dā nu Edōō gaa kō nē pya bōṅanaloo Kraist. Nee a be eeba m nē ye kō a de bee a aaloo te-dum lo a le bu Paradais loo Bari.

Mumuuna 2:26

Mē nēē a eeba sa sere dēdēē na tam mmē kpedumē, m gaa lee nē ye ekpo lo ebēā dēdēē edonyōō.

1 Korint 7:10, 11 le 39

Mε m ne lok pya dam le wa, e a naale mda me Nεε-a-i-εε, ko nεε-wa aa aaloo ye dam; (lo a bee ye aaloo a tɔɔ aba εε, lo a naale wo a obia gbaaloo ye dam) e dam aa kiī ye wa. . . . Wa lu ebɔp loo dam kuma sɔ a le dum. Lo a le dam u ale dap iya dam a ye nia, me aba bu Nεε-a-i-εε.

Luk 16:18

Ɛregeba nεε a lεεbalo ye wa sa ii lo dɔɔna ekora wa dɔɔna nεε, e nεε a ii wa a bee lu elεεbalo temaba ye dam ekora wa dɔɔna nεε.

Rom 7:2, 3

Nyɔnebee lo wa a e'iya dam εε etɔɔ loo ye dam aba sɔ a le dum dookē lok ko doo; me lo a le ye dam u, wa aɲia aa bu lok ye dam. Nyɔbee wo lo a le sɔ ye dam le dum ale wa a si loo dɔɔna nεε, elu ekɔ a si nεε, me lo a le ye dam u, lok naa aa ye lo a le a iya dɔɔna nεε.

Matiu 5:32

Mε mda ko i ne kɔme εregeba nεε a kiī ye wa, lo a naale nyɔɔ kunā gā, doolo a lu wa esia nεε; e εrege nεε a ii wa a ebee lu ekiī ekora wa dɔɔna nεε.

Jon 14:3

E lo a le m kii sa i kwa kē sē, m ga le obianage lu sa i su yaa loo mē, lokwa kē m le bōolo bui lenage.

Mumuuna 3:11

M ga le nwaba lu; aabalo nu o ƐƐ agere, lokwa logo nē naa su o pegerē eeba a lē ba.

Matiu 24:30

Lo sō edoba nu Nwī nē esira bunyō, sa dēdē edo nyōuwe ebaa, sa ba emue Nwī nē a gaa lu bu biira bunyō gbaāloo ekpo le gbene nyenja.

Maak 8:38

Nyōnebee ƐƐgeba nē kē ye bōp nyō mda le nyō mdaa ue bu

lo nyōuwe kue wa le doo pōo dogo ama, kē ebōmanage Nwī nē ye loo sō a elu bu ka ye Tē gbaāloo pya angel ba le kaē.

Bōolo ƐƐgeage nyōnyō igerebu. Agereba bui benie, nyōnebee lulu Nē-a-i-ƐƐ e'ina kē ba.

—Jemes 5:8

Nyōnebee dookē ƐƐm-dee aa barasī loo enaani wee sira aa sa mō ina barasī loo enaani wee dō kii, aba sī dee ama kē lulu Nwī nē elenage doolo.

—Matiu 24:27

Mē ƐƐgeba sō Nwī nē elu bu ye ka, gbaāloo dēdē pya ye angel, lo sō na a e'etē nyō ye kasi mē ka.

—Matiu 25:31

Pya wereloo, nyawo ili lu mionɔ Bari: e nu i elu sii sira, mɛ i suā kome sō a esira ili ebee ye, nyonebee i ga le muɛ ye dookē a le doo.
—1 Jɔn 3:2

Ɛp, m gaa lu doodoo nɛ biu! Lee-lee a le nɛ nɛ a tɔɔ baɛ, sa sere dēdē ye beɔo lokwa a naa kiātē sa ba muɛ ye bu kɛɛ!

—Mumuuna 16:15

E boɔlo kpoogaloo; nyonebee Nwī nɛ gaa le lu bu sō elek-ke buii le emadēɛ.
—Luk 12:40

Sa kɔ, Pya nɛ Galili, e na a nua kɔ bui yira ɛp bunyɔɔ loo a? Jisus ama, lo a elua esu i lɛ loo kuma bunyɔɔ, elunage bu aba sī dee

ama, dookē bui ye muɛ doo a kii bunyɔɔ.
—Doonu 1:11

Nyonebee Nwī nɛ ga elu gbaāloo pya ye angel bu ka lo ye Tɛ, lo sō a e'obara nɛ ɛregeba nɛ dookē ye dogo le doo.

—Matiu 16:27

Lo sō ba emuɛ Nwī nɛ a gaa lu bu biira bunyɔɔ le ekpo le gbene ka.

—Luk 21:27

Bu aba sī dee ama Kraist, kē a bee lu ebɛɛ ye kē sī Bari aba zii sō lo etoora pɔɔ gbeneedo nɛ doo, a esikē sira lo eree baɛ sō, a naale edoo nu akiiloo pɔɔ mɛ lo ekpɔā pya a su igerebu ye tama baɛ.

—Hibru 9:28

MUE UE BARI

Luk 21:33

Bunyɔɔ le kenekē etēē aa, me
yube mdaa ue naale etēē aa.

Matiu 22:29

Me Jisus bee wa ture ne, sa kɔ,
Bui tēē ekwɔ, nyɔnebee buii suā
kpa kaε ale ekpo Bari.

2 Pita 1:21

Nyɔnebee logɔ zue ue naa bee
lu logɔ sɔ aā bu nu nēē gbī, me a
bee le sɔ Kaε Edoɔ bee wa aa na
ba bee kɔ ue aāloo Bari a.

2 Timoti 3:16

Dēdēē nu a bee lu e'em bu kpa
kaε tēē aa bu ekere Bari, sa ere
biī lo etoge nu, lo esu porɔ pya
doo gbee wa kɔ sī, lo edoo kɔ

ekere nēē a lera, le lo kpɔā a le
bu kaana dogo.

Le-yɔɔ 119:11

M e bee sere olo ue bu mdaa
benie, lokwa mm a doo logɔ porɔ
nu pima.

Le-yɔɔ 119:105

Oloo ue lu numiā loo baε to
me, le ε'dee loo na dee.

Le-yɔɔ 119:89

Ina deede, Aa Jehova, oloo ue
bee lu ewu agere bu dēdēē
bunyɔɔ.

Deuteronomi 4:2

Buii le su ue yere loo nu m i ne
bu lok, ale su nu ye lee loo; lokwa
bui dap sere dēdēē lok Jehova
bui Bari, lo mda gaa i ne bu lok.

Published in numerous languages by World Missionary Press, Inc.,
as God supplies funds in answer to prayer. **For questions or more
information by country, visit: www.wmp-contacts.org**

World Missionary Press
PO Box 120
New Paris, IN 46553-0120 USA
www.wmpress.org



Read booklets online or by App
www.wmp-readonline.org